



May 22mi, 2019

Hon. Joe Savikataaq, MLA
Hivulikti Nunavumi
Minista Atanguyanut ovalo Kavalikiyiit
Ighivautak Ministait Katimayiit
Titigakvia Hivuliktit

HAMUNGA: 2019mit-2020mut Titigak Utakiyait Ministait Katimayiit Nunavumi

Halo Hivulikti Savikataaq:

Titigaktunga ilinut Ighivautauplunga Maligaliukatiptinut Katimayigalaat (RMC) tuniyaanganik hapkoa Titigait Utakiyainik Ministait Katimayiinut (Atanguyat).

Hamna titigak ukakhimayuk havaagutainik ovalo kanuginiagutainik RMCKut ihumagiyait Atanguyait ukiumi 2019-2020. Ukaktuklu ihumagiyainik Ministait tuhaktiyakhainik ovalo kiutialutik Maligaliuktiit havakatigiigutikhainut iniktinahualugit munagiyavut titigakhimayumi iluani *Turaaqtavut*. Maligaliuktiit puigukungitainik Ministait munagiyainut Maligaliukvimi ovalo tuhaktitiaktakhainik Malivaliukviit, kinguani Nunavumiunut.

Ilanganutlu, Maligaliuktiit munaginiaktut kavamatkut munagilutik Inunut Nunavumi ihivgiugutainik kavamatkut maniiit atugutikhainik, paknaiyautikhainik, maligakhat ovalo pikuyakinik.

Katimayigalaagupluta, Maligaliuktiit naunaiyakhimayait havaagutainik Ministait Katimayiini. Hivuliktiuplutit, kitkaniinavit munaginahualugit hapkoa ihumagiyait ikayugiaganik kavamatkut ovalo Nunavut. Hamna titigak pinahuaktuk pitkulugit ihuakhagutikhait piyakhait naunaiyakhimaplugitlu kanuginiagutait Ministait Katimayiit. Ukakhugit, ikpinatuk ukakfaalugit titigakmi hamna titigak, tugaakhimaituk kitkunut Ministanut.

Nalungitunga angikatigiiktuguk Ministait ikpigiyakhainik Maligaliuktiligiyiit atugutainik ovalo takupkailutik piyakhainik tuhaktitiagutainut. Nangminiigutait Ministaungitut Maligaliuktit apigilaalutik ovalo pilutik tuhagutikhainik Atanguyanit maliktakhaungmata Maligaliuktiligiyiit kavamatkuit. Ilaukatigiikangitumik, katimakatigiigutikakhuta kavamatkuni ukakfaakhimayuk munagitjutainik angmaumaluta ovalo ukatialuta Maligaliukatiptinut.

Ukautiyumayagit amigailiktut aliahuguiliktut maligaliukatiptinit pikatagutainik ilait Ministainut. Kiutiagutaigaagamik, ukatingilugit ovalo kangikhitiagitainik Maligaliukatigiit apigiyainut katimaligaagapta Maligaliukvimi ovalo Katimayigalaani, ilangit Ministait maliguikpaktait.

Hamna piyumayaituk ovalo ikpinakhuni nalungilutik Maligaliukvik angikhimayut kitkani niguakhimayaptinut, ihivgiuktaungilutik Ministait Katimayiit, Maligaliuktit piniaktait ihumagiyainik Ministait havaagutainik ihumagilugit, pihimayaitut aipaangani ukiumi. Piyainik hivunikhami havaangitainik ilaulaaktut nuutilaalutik kiutkulugit ovalo/ovaluniit nuutilaalutik kuviagiyaahuiktuk havaagutainik kitumut Ministamut(nut).

Apigiyugut, Hivuliktiuplutit, tuhaktiilugit hapkoa utakiyakhainik Ministakatigiinut ilakatini:


1. *Tamamik ilaukatauyut Ministait Katimayiinut piniaktut* nalungitukhat tamamik munagiyainut, pikuyakhait, uktugutait, akiliktigutait ovalo maligaliugutainik ataani Ministait havaagutainut;
2. *Tamamik ilaukatauyut Ministait Katimayiinut piniaktut* kiutialutik Malivaliuktiit apigiyainik katimaligaagata Malivaliukvimi ovalo Katimayigalaani;
3. *Tamamik ilaukatauyut Ministait Katimayiinut piniaktut* kilutik Maligaliuktit apigiyainik kiutialutik kangikhinaktumik ovalo apigifaatinahuangilugit, aatjikutaitut maligutainik ilangani Inuit Qaujimagatuqangit;
4. *Tamamik ilaukatauyut Ministait Katimayiinut piniaktut* tuniniaktut kiulaitainik kilamik Maligaliuktimut nani kiungitkumik tuhagutikhainik ovalo atuklutik titigagutainik kiutjutinik ovalo/ovaluniit kiulugit apigihimayunit ilanganut;
5. *Tamamik ilaukatauyut Ministait Katimayiinut piniaktut* ihumagilugit tamaat pihimayainik Katimayigalaat ovalo Maligaliuktiit Maligaliukvimi mikhaanut Munsyingit ovalo Kuapurisiit maniit atugumayainik ovalo paknaiyautainik;

6. *Tamamik ilaukatauyut Ministait Katimayiinut piniaktut* tunilutik, kilamik, makpigaat apigiainik Maligaliuktiit; ovalo
7. *Tamamik ilaukatauyut Ministait Katimayiinut piniaktut* angmaumayunik ovalo tuhakatigiilutik Katimayigalaanut ovalo Maligaliuktit Maligaliukvimi tunilugit tamamik titigakhimayunik tunihimayainik Maligaliuktiit maliklugit maligutainik Titigakviit Maligaliukviit, aatjikutiliulugit ovalo kagitauyakut ovalo titigakut.

Nalungilutit, ukautiniaktagit, tuniniaktaga hamna titigak Maligaliukvimut katimaligupta upingaami.

Maligaliukatimnit, iniktigumayunga, ukaalalunga, hapkoa munagiyauniaktut ihumagiyainik hamani, hakugikhinahualugit kavamatkut ovalo tunngahugiyainik nunakativot ilaukatigiyaptinut.

Koana,



John Main, MLA
Ighivautak, Maligaliuktiit Katimayigalaat

c.c. Maligaliuktit MLAs
Titigakvia Ukakti